

VI. ANUNCIOS**A) ADMINISTRACIÓN AUTONÓMICA****CONSELLERÍA DE ECONOMÍA E INDUSTRIA**

RESOLUCIÓN do 7 de maio de 2026, do Departamento Territorial da Coruña, pola que se concede a autorización administrativa previa e de construción e a declaración de utilidade pública, en concreto, dunha instalación de distribución eléctrica no concello de Cambre (expediente IN407A 2025/117-1).

Expediente: IN407A 2025/117-1.

Promotora: UFD Distribución Electricidad, S.A.

Proxecto: Regulamentación LMTA SMC729 soterramento entre os apoios AJOQK070//27-6 e AJPVHOUQ//27-7-CT

Concello: Cambre.

Feitos:

1. O día 12.6.2025, a empresa promotora solicitou a autorización administrativa previa, a autorización administrativa de construción e a declaración de utilidade pública da instalación de distribución eléctrica mencionada, co obxecto de regulamentar a LMTA SMC729 soterramento entre os apoios AJOQK070//27-6 e AJPVHOUQ//27-7-CT.

Ao abeiro dos artigos 123 e 143 do Real decreto 1955/2000, xunto coa relación de bens e dereitos afectados de necesaria ocupación para a construción da instalación proxectada, presentan o proxecto de execución denominado Regulamentación LMTA SMC729 soterramento entre os apoios AJOQK070//27-6 e AJPVHOUQ//27-7-CT, asinado o día 28.2.2025 por Ángel Pérez Vidal, enxeñeiro técnico industrial graduado en Enxeñaría Eléctrica, núm. colexiado 4.781 de Vigo (CoitiVigo), e un anexo asinado polo mesmo enxeñeiro o 10.2.2026.

2. O proxecto someteuse ao trámite de información pública mediante un Acordo do 3.2.2026 publicado nos seguintes medios:

- Portal de transparencia e goberno aberto da Consellería de Economía e Industria.
- DOG: 26.2.2026.



- BOP: 9.2.2026.
- Xornal *La Voz de Galicia*: 11.2.2026.
- Taboleiro de anuncios do concello: segundo o certificado municipal do 29.4.2026.

3. Durante o período en que o proxecto se someteu ao trámite de información pública non se presentou ningunha alegación, reclamación nin suxestión relacionada coa documentación obxecto de publicación.

4. Consonte o artigo 127 do Real decreto 1955/2000, do 1 de decembro, solicitouse o informe preceptivo ás distintas entidades afectadas: Concello de Cambre, Ministerio de Transporte e Mobilidade Sostible e Telefónica. A empresa promotora manifestou a súa conformidade cos informes emitidos no prazo outorgado para ese efecto.

5. O día 27.4.2026 emitiuse o informe técnico.

Consideracións legais e técnicas:

1. O director territorial é competente para resolver este expediente, ao abeiro do disposto no Decreto 9/2017, do 12 de xaneiro, polo que se establecen os órganos competentes para a resolución dos procedementos de autorización de instalacións eléctricas que sexan competencia da Comunidade Autónoma de Galicia (DOG núm. 22, do 1 de febreiro), e no Decreto 140/2024, do 20 de maio, polo que se establece a estrutura orgánica da Consellería de Economía e Industria (DOG núm. 101, do 27 de maio).

2. Lexislación de aplicación:

– Lei 39/2015, do 1 de outubro, do procedemento administrativo común das administracións públicas (BOE núm. 236, do 2 de outubro).

– Lei 40/2015, do 1 de outubro, de réxime xurídico do sector público (BOE núm. 236, do 2 de outubro).

– Lei 24/2013, do 26 de decembro, do sector eléctrico (BOE núm. 310, do 27 de decembro).

– Real decreto 1955/2000, do 1 de decembro, polo que se regulan as actividades de transporte, distribución, comercialización, subministración e procedementos de autorización de instalacións de enerxía eléctrica (BOE núm. 310, do 27 de decembro).



– Real decreto 223/2008, do 15 de febreiro, polo que se aproban o Regulamento sobre condicións técnicas e garantías de seguridade en instalación eléctrica de alta tensión e as súas instrucións técnicas complementarias ITC-LAT 01 a 09 (BOE núm. 68, do 19 de marzo).

– Real decreto 337/2014, do 9 de maio, polo que se aproban o Regulamento sobre condicións técnicas e garantías de seguridade en instalacións eléctricas de alta tensión e as súas instrucións técnicas complementarias ITC-RAT 01 a 23 (BOE núm. 139, do 9 de xuño).

– Real decreto 2563/1982, do 24 de xullo, sobre traspaso de funcións e servizos da Administración do Estado á Comunidade Autónoma de Galicia en materia de industria, enerxía e minas (BOE núm. 246, do 14 de outubro).

– Lei do 16 de decembro de 1954, sobre expropiación forzosa (BOE núm. 351, do 17 de decembro).

– Decreto do 26 de abril de 1957 polo que se aproba o regulamento da Lei de expropiación forzosa (BOE núm. 160, do 20 de xuño).

3. Características técnicas:

As instalacións obxecto deste expediente están situadas no lugar do Pombo, parroquia de Pravio (Cambre), e as súas características técnicas son as seguintes:

– Centro de transformación rural compacto prefabricado manobra exterior de 250 kVA, para substituír o CT intemperie existente Pombo Pravio (15AQ84).

– Adequación dun tramo da liña LMTA SMC729 debido a deficiencias actuais no apoio AJOQKO70//27-6 por mal estado xeral.

– Desmontaxe da LMTA entre os apoios AJOQKO70//27-6 e AJPVHOUQ//27-7-CT, substituíndo o apoio de formigón existente 27-6 por un novo apoio metálico de celosía AM-C-2000-14-H-35 cun paso aero-subterráneo ata o CT proxectado.

– Liña de media tensión subterránea en condutor RHZ1-2OL 12/20KV 3×(1×240) Al a 15 kV, que terá o seu inicio no PAS proxectado no apoio 27-6 e final no novo CT proxectado. A lonxitude da liña subterránea de MT é de 13 m.



4. Na visita de campo realizada para examinar o lugar da instalación non se apreciou, nos predios sometidos a expropiación, ningunha das limitacións á constitución da servidume que sinala o artigo 58.a) da Lei 24/2013, do 26 de decembro, do sector eléctrico.

5. No expediente consta un informe favorable dos servizos técnicos deste departamento territorial.

Consonte todo o sinalado,

RESOLVO:

A) Conceder a autorización administrativa previa, a autorización administrativa de construción e a declaración de utilidade pública da dita instalación de distribución eléctrica.

A declaración de utilidade pública leva implícita a necesidade de ocupación dos bens e de adquisición dos dereitos afectados e implicará a urxente ocupación, para os efectos do artigo 52 da Lei de expropiación forzosa.

B) A instalación executarase no prazo de dous anos, contados a partir do día seguinte ao da publicación desta resolución no *Diario Oficial de Galicia*.

C) Para a posta en funcionamento da instalación autorizada, deberá achegar ante este departamento territorial unha solicitude á cal xuntará a seguinte documentación:

– As declaracións de conformidade relativas ao material ou equipamento e as certificacións ou homologacións, se procede.

– Un certificado do/da director/a da montaxe en que se garantirá o cumprimento das especificacións do proxecto e das prescricións complementarias, se as houber, así como das regulamentacións e normas axeitadas para a montaxe da instalación e posta a punto.

– Planimetría *as built* da instalación eléctrica en formato *shape*.

D) Esta autorización outórgase sen prexuízo doutras que sexan de aplicación segundo a lexislación vixente, en especial no relativo á ordenación do territorio e ao ambiente.

CVE-DOG: m3ypmb20-05i2-9uh7-7nt0-mnzu0krx6ki5



O incumprimento das condicións e requisitos establecidos nesta resolución ou a variación substancial dos presupostos que determinaron o seu outorgamento poderán dar lugar á súa revogación, logo de audiencia ao interesado, segundo o establecido no artigo 53.10 da Lei 24/2013, do 26 de decembro, do sector eléctrico.

Contra esta resolución, que non é definitiva en vía administrativa, poderá interporse recurso de alzada perante a conselleira de Economía e Industria, no prazo dun mes contado a partir do día seguinte ao da notificación ou publicación, segundo o disposto nos artigos 121 e 122 da dita Lei 39/2015, sen prexuízo de que as persoas interesadas poidan interpor calquera outro recurso que consideren axeitado.

Mediante este documento notifícaselles aos interesados esta resolución, segundo o exido no artigo 40.1 da Lei 39/2015.

A Coruña, 7 de maio de 2026

Isidoro Martínez Arca
Director territorial da Coruña

CVE-DOG: m3ypmb20-05i2-9uh7-7nt0-mnzu0krx6ki5





ANEXO

Relación de bens e dereitos afectados

Concello de Cambre.

Nº de parcela	Lugar Referencia catastral	Cultivo	Titular	Afección de solo en pleno dominio		Afección de solo por servidume de paso de enerxía eléctrica			
				Apoio nº	m²	ml aé.	ml sot.	m² aé.	m² sot.
1	Covelo 15017A012000720000ML	Urbana	Descoñecido	Apoio + CT+ acceso	26,22				

Abreviacións:

ml aé.: lonxitude da servidume aérea en metros lineais.
m² aé.: superficie de servidume aérea en m².

ml sot.: lonxitude da servidume soterrada en metros lineais.
m² sot.: superficie de servidume soterrada.